



ente ad datae inaequalium circumferentiarum subtensae sint AB & AC. Volentibus nobis inquirere subtendentem BC, dantur ex superdictis reliquarum de semicirculo circumferentiarum subtensae BD & CD, quibus contingit in semicirculo quadrilaterum AB'CD.



Cuius diagonij AC & BD dantur, cum tribus lateribus AB, AD, & CD, in quo sicut iam demonstratum est, quod sub AC & BD aequale est ei quod sub AB, CD, & quod sub AD & BC. Si ergo quod sub AB & CD auferatur ab eo quod sub AC, & BD, reliquum erit quod sub AD & BC. Itaque per AD diuisorem quantum possibile est subtensa BC numeratur quaesita. Proinde cum ex superioribus data sint uerbi gratia pentagoni & hexagoni latera, datur hac ratione subtendens gradus XII, quibus illa se excedunt, estque partium illarum dimetientis 20905.

Theorema quartum.


Data subtendente quamlibet circumferentiam, datur etiam subtendens dimidia. Describamus circum ABC, cuius dimetiens sit AC, sitque BC circumferentia data cum sua subtensa, & ex centro E, linea EF secet ad angulos rectos ipsam BC, quae idcirco per tertiam tertij Euclidis secabit ipsam BC bifariam in F, & circumferentiam extendam in D, subtendantur etiam AB & BD. Quoniam igitur triangula ABC, & BEC rectangula sunt, & insuper angulum BEC habentes communem similia, ut ergo CF dimidium est ipsi BEC, sic EF ipsius AB dimidium, sed AB datur quae reliquam semicirculi circumferentiam subtendit, datur ergo & EF atque reliqua DF a dimidia diametro, quae compleatur & DEG, & sit coniungatur BG. In triangulo igitur BDG ab angulo B recto descendit perpendicularis ad basim ipsa EF. Quod igitur sub GDF, aequalis est ei quae ex BD, datur ergo BD longitudine, quae dimidiam BDC circumferentiam subtendit. Cumque iam data sit, quae gradus subtendit XII, datur etiam VI gradibus subtensa partium 10467, & tribus gradibus partium 5235, & sesqui gradus 2618, & dodrantis partes 1309.



Theo


Theorema quintum.

RVrsus cum datae fuerint duarum circumferentiarum subtensae, datur etiam quae totam ex ijs compositam circumferentiam subtendit. Sint in circulo datae subtensae AB & BC, aio totius etiam ABC subtensam dari. Transmissis enim dimetientibus AFD, & BFE subtendantur etiam rectae lineae BD & CE, quae ex praecedentibus dantur, propter AB & BC datas, & DE aequalis est ipsi AB. Connexa CD concludatur quadrangulum BCDE, cuius diagonij BD & CE cum tribus lateribus BC, DE, & BE dantur, reliquum etiam CD per secundum Theorema dabitur, ac perinde CA subtensa tanquam reliqua semicirculi subtensa datur totius circumferentiae ABC, quae quaerebatur. Porro cum haecenus reperiuntur rectae lineae, quae tres, quae i. s. quae dodrantem unius subtendit: quibus interuallis possit aliquis canona exactissima ratione texere. Attamen si per gradus ascendere, & alium alij coniungere, uel per semisses, uel alio modo, de subtensis earum partium non immerito dubitabit. Quoniam graphicae rationes quibus demonstrarentur, nobis deficiunt. Nihil tamen prohibet per alium modum, citra errorem sensu notabilem, & assumpto numero minime dissentientem, id assequi. Quod & Ptolemaeus circa unius gradus & semissis subtensas, quaesivit, admonendo nos primum.



Theorema sextum.

MAiorem esse rationem circumferentiarum, quam rectarum subtensarum maioris ad minorem. Sint in circulo duae circumferentiae inaequales coniunctae, AB & BC, maior autem BC. Aio maiorem esse rationem BC ad AB, quam subtensarum BC ad AB, quae comprehendant angulum B, qui bifariam dispescitur per lineam BD, & coniungantur AC, quae secet BD in E signo. Similiter & AD & CD, quae aequales sunt, propter aequales circumferentias, quibus subtenduntur. Quoniam igitur trianguli ABC linea, quae per medium secat angulum, secet etiam AC



d h in